



1

Broj: 12/08-27-14864-5/19
Zenica, 21.10.2019.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-14864-4/19 od 21.10.2019. godine, u pregovaračkom postupku javne nabavke radova bez objave obavještenja sa jednim ponuđačem, direktor Kantonalne direkcije za ceste Zeničko-dobojskog kantona, donosi:

ODLUKU
o izboru najpovoljnijeg ponuđača

I

U pregovaračkom postupku javne nabavke radova bez objave obavještenja sa jednim ponuđačem za dodatne radove na trajnoj sanaciji klizišta na regionalnoj cesti R 444 dionica Podlugovi-Breza-Vareš, lokalitet Vrankamen, ponuda ponuđača POROBIĆ d.o.o Zavidovići izabrana je kao najpovoljnija.

II

Ponuđač POROBIĆ d.o.o Zavidovići (ID 4218228760005) adresa Radnička bb, Zavidovići, je u skladu sa zahtjevima iz tenderske dokumentacije uz ponudu dostavio dokumente iz člana 45. stav (2) tačka od a) do d) Zakona o javnim nabavka BiH („Službeni glasnik BiH“ broj 39/14).

U skladu sa članom 72. stav (2) Zakona o javnim nabavkama BiH („Službeni glasnik BiH“ broj:39/14) ugovorni organ zaključiti će ugovor sa najpovoljnijim ponuđačem iz tačke I i II ove Odluke.

III

Ova odluka objaviće se na web stranici www.zdk.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

IV

Ova odluka stupa na snagu danom donošenja i zajedno sa zapisnikom o ocjeni ponuda dostavlja se ponuđaču koji je sudjelovao u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Kantonalna direkcija za ceste donijela je Odluku o pokretanju pregovaračkog postupka bez objave obavještenja broj: 12/08-27-14864/19 dana 03.10.2019. godine, o nabavci radova iz člana 24. stav (1) tačka a) Zakona o javnim nabavkama Bosne i Hercegovine („Službeni glasnik Bosne i Hercegovine“ broj: 39/14), kojim je propisan pregovarački postupak u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili prvobitno zaključeni ugovor, ali koji usljed nepredviđenih okolnosti, postanu neophodni za izvršenje radova i kada se takvi dodatni radovi ne mogu tehnički odvojiti od osnovnog ugovora. Takav ugovor se može zaključiti sa dobavljačem kojem je dodijeljen osnovni ugovor.

U skladu sa članom 28. stav (4) Zakona o javnim nabavkama BiH („Službeni glasnik BiH“ broj 39/14), ugovorni organ je na svojoj internet stranici www.zdk.ba objavio informaciju o pregovaračkom postupku bez objave obavještenja o nabavci koji namjerava provoditi.

Ponuđač je u skladu sa tenderskom dokumentacijom blagovremeno na Protokol ugovornog organa dostavio početnu ponudu.

Komisija za javne nabavke imenovana rješenjem broj: 12/08-27-14864-3/19 od 15.10.2019. godine izvršila procjenu početne ponude prema obliku, sadržaju i cjelovitosti i konstatovala da je ponuda

dostavljena u skladu sa uvjetima i kriterijima koji su utvrđeni u tenderskoj dokumentaciji. Nakon završene provjere kvalificiranosti ponuđača i analize početne ponude, komisija je uputila Poziv na pregovaranje dana 17.10.2019. godine. Dana 21.10.2019. godine u 11:00 sati, kada je zakazano pregovaranje ovlaštenu predstavnik ponuđača nije prisustvovao, te je komisija na osnovu tačke 9.1.3 tenderske dokumentacije zaključila da je cijena u početnoj ponudi ujedno i konačna cijena ponude.

Komisija je ocijenila da ponuda ispunjava sve kriterije iz tendrske dokumentacije i jednoglasno je predložila ugovornom organu da donese Odluku o izboru najpovoljnijeg ponuđača za POROBIĆ d.o.o Zavidovići čija cijena iznosi 11.901,76 KM bez PDV-a.

Ugovorni organ je prihvatio preporuku Komisije za javne nabavke da se najpovoljnije ponuđaču dodijeli ugovor o izvođenju dodatnih radova na trajnoj sanaciji klizišta na regionalnoj cesti R 444 dionica Podlugovi-Breza-Vareš, lokalitet Vrankamen.

Zbog svega naprijed navedenog odlučeno je kao u dispozitivu.

Odluka će biti objavljena na službenoj stranici ugovornog organa www.zdk.ba i to istovremeno s upućivanjem odluke ponuđaču koji je učestvovao u postupku javne nabavke.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 30 (trideset) dana od dana objave obavještenja o dodjeli ugovora, u skladu sa članom 101. stav (4) Zakona o javnim nabavkama BiH („Službeni glasnik BiH“ 39/14), na način propisan članom 99. Zakona o javnim nabavkama BiH („Službeni glasnik BiH“ 39/14).



Dostavljeno:

1 x ponuđaču,

1 x a/a